



Sarajevo, 08.10.2020. godine

Broj: 06-06-2-1237-2/20

Predmet: Poziv na predavanje „Osnivači, nasljednici, menadžeri“

Poštovani/a,

Vanjskotrgovinska komora Bosne i Hercegovine i Adizes South East Europe (ASEE) organiziraju **besplatno** predavanje na temu „**Osnivači, nasljednici, menadžeri**“, koje će se održati u četvrtak, **15.10.2020. godine** s početkom u 13:00 sati.

Predavanje će se u isto vrijeme održati u prostorijama Vanjskotrgovinske komore Bosne i Hercegovine (ulica Branislava Đurđeva 10, Sarajevo) i online (preko Zoom aplikacije). Prilikom popunjavanja prijave, potrebno je izabrati na koji način pohađate edukaciju. Predavanje je namijenjeno: osnivačima, vlasnicima, pripradnicima II generacije, menadžerima.

Bosna i Hercegovina, kao i sve zemlje bivše Jugoslavije, uveliko se susreću sa specifičnom tranzicijom poslovanja koji se odvija po prvi put poslije II svjetskog rata. Ova tranzicija najčešće podrazumijeva prijenos poslovanja sa osnivača i pokretača kompanija na sljedeću generaciju. U razvijenim zemljama koje imaju dugu tradiciju preduzetništva i privatnog vlasništva, područje ove tranzicije usko se povezuje sa problematikom razvoja i održivosti porodičnih preduzeća. Porodična preduzeća su važan dio svake ekonomije, a njihov značaj se prepoznaje kroz udio u broju zaposlenih (50-80% zaposlenih u privatnom sektoru) i udio u ukupnom broju preduzeća (više od 60% u većini zapadnoevropskih zemalja). Prema istraživanjima u razvijenim zemljama, samo 30% porodičnih preduzeća preživi prijenos poslovanja na drugu generaciju, 13% na treću generaciju, a svega 3% ima duži životni vijek.

Ko je predavač?

Boris Vukić. Partner i jedan od osnivača Adizes SEE i Senior Associate Adizes Institute, USA, na kojem je 1995. certificiran za vođenje organizacionih promjena. Iskustvo u ovoj oblasti stekao je radeći sa klijentima, prije svega u regionu Jugoistočne Evrope, ali i sa internacionalnim klijentima Adizes Instituta. Posljednjih deset godina intenzivno se bavi ovom problematikom na prostoru bivše Jugoslavije i sigurno je osoba sa najvećim praktičnim iskustvom u regiji. Dio svojih iskustava i praktičnih savjeta objedinio je u knjizi „Osnivači, nasljednici, menadžeri“, koja je nastala kao rezultat desetogodišnjeg rada sa kompanijama koje prelaze put promjene vođenja i upravljanja sa prve na drugu generaciju. Pokrenuo 2015. godine „Klub 2040“ koji čine pripadnici druge generacije iz kompanija iz Srbije, Bosne i Hercegovine, Hrvatske, Makedonije i Crne Gore, koji broji više od 120 članova. U velikom broju kompanija na prostoru bivše Jugoslavije, inicirao je, pokrenuo i vodio porodični forum i izradu porodičnih politika.



Šta je cilj edukacije?

Cilj edukacije je podijeliti sa učesnicima decenijsko iskustvo predavača, konkretne savjete kako da proces tranzicije bude što uspješniji, najčešće greške i kako ih izbjeći, te odgovarati na pitanja učesnika. Osnovni cilj je pokrenuti proces pripreme osnivača, nasljednika i menadžera u kompanijama u kojima se odvija ili će se odvijati prelazak sa prve generacije na drugu.

Koje teme će biti prezentirane?

U okviru predavanja biće prezentirane sljedeće teme:

- Zašto je tranzicija u porodičnim kompanijama kompleksan proces?
- Mogući scenariji biznis transfera
- Savjeti i preporuke za uspješnu tranziciju
- Priprema nasljednika
- Priprema kompanija
- Priprema osnivača
- Priprema porodica

Kako izvršiti prijavu?

Učešće na predavanju je **besplatno** za učesnike koji izvrše prijavu popunjavanjem **online prijavnog obrasca**. Krajnji rok za dostavljanje prijave je srijeda, 14.10.2020. godine do 12:00 sati.

Zbog aktualne epidemiološke situacije uzrokovane koronavirusom COVID-19, na predavanju **u prostorijama VTK BiH, broj učesnika je ograničen na maksimalno 30 polaznika**, zbog čega se preporučuje da na vrijeme izvršite prijavu učešća i rezervišete svoje mjesto na predavanju. Edukacija u prostorijama VTK BiH će se održati u velikoj sali u prizemlju, uz poštivanje svih zdravstvenih i sigurnosnih mjera, preporuka i naredbi nadležnih institucija (odgovarajuća distanca sjedećih mjesta između polaznika, predavača i organizatora, obavezno korištenje zaštitnih maski za lice, raspoloživa dezinfekcijska sredstva). **Broj učesnika koji predavanje budu pratili online, ograničen je na 100.**

Kontakt informacije

Više informacija o Adizes Institutu možete pronaći na www.adizes.com ili www.asee.biz

Za sva dodatna pitanja budite slobodni da nam pošaljete upit na e-mail adrese office@asee.ba ili edukacija@komorabih.ba

U nadi da ćete prepoznati značaj ovog predavanja i svojim učešćem uveličati organizaciju događaja, srdačno Vas pozdravljam i ostajem

S poštovanjem,



Elma Kovacevic-Bajtal
Dr.sc. Elma Kovacević-Bajtal
Vanjskotrgovinska komora BiH
Direktorica Instituta za edukaciju